

3



蔡秀英 女士

閩南語 / 短篇小說類 / 社會組

得獎作品 /
路

【得獎感言】

無粒積拍拚的汗水，就無厚汁閣甜的果子。

首先感謝主辦單位佢評審的肯定。

踏入文學的路，一直攞相信，只要堅持寫落去，成功緊早慢會到，絕對袂佇人生中欠席！

這遍會當入選，社會組小說第三名，我已經誠滿意！

雖罔，佇40歲的時陣，決定欲行寫作這條路，20外冬來，幾若擺想過欲放棄。

佇失意的時，會當堅持這濟冬，繼續行寫作這條路，是受著詩人路寒袖老師濟濟的鼓舞，才有氣力行寫作的路。

十外冬前初寫這篇〈路〉的小說，提予吳晟老師看，伊開始教我欲按怎寫小說。經過再三修改，才有這篇小說的產生。

這篇號名〈路〉，毋是亂號的，當初寫好這篇小說，想欲號啥物名，思考誠久，深深感受人生欲行的路，選擇是影響一生的大代誌。就按呢決定號名〈路〉。

這篇〈路〉是我的好朋友真實故事，共這篇送予文中的男主角。

感謝臺語詩人柯柏榮教我臺文用字。

路

1. 隨香下願

西元2009年 春

人生路總是會拄著真濟的困境，愛不斷磨練家己，予家己變成家己欲tih的款，這寡成長俗褪殼的過程，決定隨人經歷的大細項代誌。

行踏佇規路攏是刺仔的路，欲行出一條予家己袂遺憾的路，伊選擇對致病濟年的牽手毋卸離，甘願陪伴佇牽手的身軀邊共照顧。

彼日是大甲鎮瀾宮媽祖婆，一年一擺繞境大代誌，台灣人舊曆三月痾媽祖，鬧熱滾滾的日子。

大甲媽祖婆起駕彼日，人湧對早起開始，一湧一湧溢入大甲的大街小巷，規日人聲喊喝攏無退。過晝了後的炮仔聲響到幾若里外，tsak鼻的煙火味佇空氣中愈來愈囂俳，衝到天頂尾。暗頭仔開始，一陣閣一陣的陣頭鑼鼓隊、哨角隊，各展神通，骨力熱情展現對大甲媽祖婆的虔誠敬意。

吉時一下到，神轎準時起轎，沿路的香燈客若狗蟻搬糖霜彼款拈做伙，綴媽祖婆的神轎，沓沓仔徙動跂步。

人湧中的文敏翔身材瘦抽瘦抽，頭頂鬢邊已經有一寡瘖白的頭毛，五十外歲的面框比實際年歲小可臭老一寡仔，兩爿目眉中的皺痕攝做川字形，外表看起來儼硬，目光洩漏滄桑，對伊的面模看著生活共伊刻過的痕跡加一寡枯黃。伊身軀鬱佇鐵馬頂，雙手扞佇手扞，綴佇人湧後壁面，向目的地新港奉天宮的線路騎去。

伊不時越頭去看，車後架的行李箱，箱仔內除了這幾工替換的衫褲，閣有個某淑美的一軀衫褲參一份重khuâinn-khuâinn的寄望。

想起淑美，規腹肚的心酸淡到嚨喉，頭殼內出現一寡向望，心內隨虔誠祈禱：「媽祖婆在上，信士文敏翔求神恩保庇，請看在我排除萬難，參與這遍繞境進香活動，是為我的牽手信女洪淑美來祈福，向望媽祖婆展神威，淑美會當得著媽祖婆看顧，予伊的神智清醒，閣一擺會認得我這個做翁婿的俗看团已經人懸漢大……」

進香團一出街仔外，眾人散開去，陣頭慢落來，工作人員peh起貨車頂，對後一个停靠站趕去。遊覽車、貨車、轎車、機車、腳踏車，用行的隨香客……，各型各式的車輛，共進香團換甲幾若里長。

敏翔拚勢踏鐵馬向前行，兩蕊目調綴鐵馬頭前輪框楚仔楚，吵鬧的聲音雄雄消失去，換來的是，鎖佇頭殼內深深的所在，彼段痛苦的記持，現此時煞一直咧摔跋反，就像一支利劍劍的刀仔，插入心肝穎仔。彼年淑美拄生了第三个後生號名叫世安，佇咧做月內的彼當時。

2. 雨潑天窗

西元1998年冬

嘎……！一陣鑿耳緊急的車擋聲過了後，隨聽著阿泉嫂隴喉空拍開大聲咧咻：「哎啲！害啊！害啊！敏翔，淑美恁緊出來看！世昌出代誌囉……」

伊聽著厝邊阿泉嫂的喝咻，揀開電腦桌仔，翻身對厝內向外口從出去，喙若問：「世昌是按怎……」

阿泉嫂跔佇一台計程車後輪邊，面仔慄色慄色，一直咧搖規身攏是血的幼細身軀，生狂聲嗽大聲喝：「世昌、世昌……」

頭前無倂遠的所在，一粒球佇塗跔遨。

敏翔看著這款景緻，愣神一目瞞仔才反應過來，隨衝到阿泉嫂身邊，共世昌抱起來：「哪……會……按……呢……？」

跔咧阿泉嫂邊仔的生份查埔中年人，規身軀必必掣，目調透出驚惶的光線。

「我……我……拄才咧bak-kuh，無看著伊……雄雄從出來……袂赴踏擋……」

淑美聽著外口吵鬧的聲音，緊行到門口，喝：「我的世昌按怎囉……」

淑美踏進前的身軀，看著目調前的現象，驚一下，烏暗眩，一个著觸，隨昏倒佇塗跔。伊抱起規身軀血的困仔，從到in某身軀邊，拜託一下：「叫救護車、救護車，啥人趕緊鬥相共叫救護車……」

急診室的醫護人員，一逝入一逝出，時間若像佇世間停睏，毋知過倂久，布簾仔予人掀開，敏翔趕緊踏倚過去問：「醫生，阮某佢困攏無代誌矣，是毋？」

醫生清嚨喉才講：「文先生，洪淑美經過急救，已經無要緊，等一下家己會精神。嗯……不過文世昌送到病院心臟無咧跳，無性命現象……請節哀……」

護士揀一台活動床，頂頭揀白布，慢慢咧移徙。

敏翔情緒失常，踏向前，共移徙的活動床擋咧，掀開白布。

伊伸出雙手出力摸醫生的肩胛頭，問：「這毋是真的，你咧滾耍笑？共我講，這毋是真的……」

醫生喘一下大氣了後，伸手佇敏翔肩胛頭搭搭咧，輕聲講：「請節哀！」

敏翔規身軀必必掣，喙齒根咬咧，一直提醒家己：「愛冷靜！」

暝尾，太平間的走廊，老舊陪白的日光燈，無佬光的光線炤佇一个查埔人屈佇塗跔壁角的所在，雙手掩面。伊予人感覺親像秋天樹枝頂的一片焦薦的葉仔，佇風中慄慄掣。寒氣恁強勢的風灌入長長的走廊：「嗚……嗚……嗚……」親像發出手心滅火的慘恁聲，佇這個恬靜的走廊轉楚喝咻。

幾工後，淑美目箍紅閣腫，規面的目屎流袂煞，手提一張世賢佻世昌兩兄弟做伙翁的相片，心親像予千萬支針鑿著遐爾疼。

淑美用手捶胸坎，忍袂牢哭出聲：「遮爾清彩共世昌送出去，就按呢結束佻世昌五年的母困情緣？」

伊的耳空邊不時聽著，世昌的叫聲：「媽媽，世昌是乖困仔，做阿兄囉，我袂閣愛哭嘛袂吵媽媽，會乖乖家己睏。」

「媽媽，世昌欲共上好食的糖仔留落來予小弟食……」

「媽媽，世昌上愛唱歌予媽媽聽。『白翎鷺飛過潭仔墘……』媽媽世昌唱了敢有好聽？」

淑美耳空邊時常聽著世昌幼嫩的聲音，伊開聲吼：「世昌……」

擰頭倒引揣揣咧，正引看看咧，揣無世昌的影跡，一切攏是幻覺，繼落感覺鼻頭一陣酸過一陣，胸坎絞滾，一款毋捌有的疼，規身軀攏咧疼，感覺烏天暗地，人隨昏倒去矣。

3.各樣的淑美

黃昏的日頭直欲沉落海，敏翔對厝內看向外口，看著淑美倚佇門跤口世昌發生車禍的現場，淑美的肩胛小可咧掣。

伊喘大氣，行去淑美身軀邊，伸手想欲攬in某，淑美揀開翁婿的手，固執欲倚佇門跤口，到天色攏暗落來，家己才行入去厝內，繼續無閒厝內的工課。

淑美一个人慧神慧神看天頂，日頭落山了後，黃昏的彩霞隨變陪色連鞭暗落去，伊一遍一遍喘大氣，那行那幌頭，對厝外行去。

「淑美，莫倚跔遮搵風，咱入去厝內好無？」

伊毋插翁婿的苦勸，硬癖倚佇世昌出代誌的所在，對翁婿的苦勸攏無反應，做翁婿的嘛恬恬倚佇淑美尻脊後，到天暗落來，淑美才欲入去厝內。

又閣到黃昏的時陣，淑美共鼎仔內拄煎甲半生熟的魚仔揸咧，火嘛袂記得禁，愣神愣神對外口行去。

敏翔鼻著臭火焦味，離開電腦桌仔，走去灶跤，禁火，閣拍開窗仔門予煙霧消散。

伊越身行出去外口：「淑美，你是按怎？火攏無禁，就走出來？」

淑美柴柴倚佇門喙口，目神嘛柴柴，對翁婿的問話，無攬無拈，規个人像柴頭尪仔彼款。

敏翔伸手共牽手攬咧，關心咧問：「淑美，哪會毋入來厝，你到底是按怎咧？」

淑美出力揀開翁婿伸來摸的手，攏毋講話恬恬倚跔門跤口，一直到日頭落山，天攏總暗落來，家己幹入厝內，行對灶跤去款拄才揸咧的灶跤。

又閣是日頭落山的時陣，淑美假做無看著爸仔毋坐佇客廳的膨椅，孤一人行出去，愣愣倚佇世昌出車禍的位置，一直到夜布崁落來才肯行入來厝。

淑美的老母問困婿的聲小可tsat喉：「伊一直攏按呢，是毋？」

敏翔頭頓一下，無力無力：「若是到世昌出代誌的時間，伊就啥物擺放咧，守佇車禍的地點，按怎苦勸擺無效。」

淑美的老爸目頭結結，蓋煩惱的款：「敢一直擺按呢？有去看醫生無？醫生按怎講？」

敏翔氣吐了真無奈：「醫生有講，食藥仔、觀察，ke陪伊講寡話，短時間是離袂開人。」

4. 淑美破病矣

暝半殍暗的路燈，共一个婦jîn人趨趨的影，摸長閣摸短、摸長閣摸短。

伊的面模漆一沿厭懶，配一雙散糊糊的目神，擺無顧著尻脊駢紅嬰仔的哭聲，繼續像無頭胡蠅佇街仔路四界趨。

巡邏的警員佇荒郊野外，發現這個婦jîn人偕囡仔的身影，閣聽著囡仔哭無煞的聲。隨落車，踏進前去問婦jîn人：「小姐，你叫啥物名？蹠佇佗？遮爾暗矣，thài猶毋轉去厝？」

婦jîn人擺無插警員，繼續向前行。

警員隨共伊開咧：「喂！咧問你叫啥物名？」

婦jîn人跛步停咧，目神散散，若像聽無警員的話。

警員：「你叫啥物名？」

婦jîn人：「我叫……」

警員：「你叫啥物名？是按怎遮暗猶毋轉去？」

婦jîn人頭歪歪想一下：「我……我……」

警員發覺婦jîn人散散的目神，聲嗽小可提懸：「紅嬰仔哭甲按呢，你擺毋管？恁厝蹠佗？」

婦jîn人予邊仔的人大聲喝一下煞起著驚，雙手共衫仔裾搵經經，愣愣看向頭前。

婦jîn人：「……」伊掠天頂尾看一囡仔，跛步閣繼續向前徙動。

警員押進前共婦jîn人擋咧：「Ái！你按呢佇荒郊野外足危險……」

婦jîn人：「我……」

警員發現婦jîn人小可無對同，決定先tshuā轉去派出所處理：「喔！按呢……你先上車，佱我轉去派出所。」

婦jîn人：「……」

5. 揜憂

暗風共敏翔的siat-tshuh吹甲澎澎澎，這陣的伊親像一隻斷翼的鴟鵂。規暝從來從去的走揣，跛步拖提拖提，伊共懶懶的身軀靠佇路邊的樹籬，怱怱喘，憂頭結面。

敏翔家己káu-káu唸：「淑美……淑美……你佱世安到底佇佗位？」

雄雄手機仔震起來，拍斷伊他káu-káu唸的聲：「我是敏翔……阿泉兄，真正揣著淑美矣，好！多謝！我隨趕去派出所接伊。」

冊房內敏翔咧騙囡仔睷，聽著囡仔溫順的喘氣聲，才深深吐一口氣，共世安輕輕仔囡轉去搖筍裡，跔跔步來到睷房，看淑美的目矦角猶掛兩逝水痕，人已經沉入眠夢中。行到眠床邊，大大下軟一口氣，頭àn-àn注注想：「淑美敢若已經袂記得拄才佇派出所那驚那哭矣。唉！淑美這站仔的舉動傷過反常，我應該按怎安排以後的路？敢通接受宏揚科技的聘請，去拚前途咧？」

伊清清的心肝喙吐出一口氣，越頭看著世賢勾佇淑美的邊仔睷了袂啥定著，伊目頭結做一毬，心肝頭的揜憂閣加深幾分。

伊家己一人 ngāu-ngāu唸：「我愛按怎處理淑美愈來愈食力的失憶症？」

伊勻聊仔徒步轉去冊房，拍開電腦繼續趕拄接的一个case，雄雄一款齷齪霸占規个心思，伊無奈搖頭，對橐袋仔摸出一支薰，點tòh，悶悶仔吐一喙薰籬，數想藉一軟一軟，共窒佇胸坎的鬱悶做一伙吐吐出來。

「哇……哇……」世安響亮的哭聲，共敏翔呼轉來現實，伊順手共薰擲化，緊趕去客廳，抱起搖筍裡的世安，據在伊按怎騙，哭聲猶原大大聲咧響。

敏翔共世安抱咧輕輕仔搭囡仔的尻脊駢：「世安睷袂落眠，敢講是腹肚枵？」伊趕緊沖一罐牛奶，世安兩三喙就共240cc的牛奶軟甲焦焦焦。

伊看手內空空的牛奶罐仔，閣看世安隨睷落眠，心肝頭tshik一下：「敢講淑美恁世安

出去規暗，攞無共世安飼奶？」

伊笨跛笨手替世安換尿苴仔，鼻頭雄雄酸起來，嚟喉管嘛綴咧瀆起來。

「阿泉嫂，這是阮兜的鎖匙，我有代誌欲去台中一逝，敢會使麻煩你，幫我鬥注意一下仔淑美佻世安，in母仔困猶咧睏，拜託你等咧幫我注意淑美，莫予伊精神了後閣tshuā世安出門，嘛請你共淑美講，翻頭我會去接世賢下課，叫伊千萬毋通出門。」

阿泉嫂共絨衫的動作停落來，接過鎖匙，thuh一下老人目鏡，擰頭蓋關心咧問：「按怎？淑美的狀況一直按呢？敢無較好咧？」

敏翔的揜憂，閣一擺予拈振動，面色隨暗落來，輕輕仔搖頭：「唉！」

阿泉嫂規面的皺紋浮出歹理解的紋路：「毋是一直攞有咧治療？攞咧食藥仔？」

敏翔頭tshih-tshih，若像刁故意閃開阿泉嫂關懷的目神。伊頓一下頭：「阿泉嫂我趕欲出門，淑美就麻煩你小看一下。」

阿泉嫂閣thuh一下老人目鏡：「好啦，好啦，你去無閒，我這領衫絨好勢，就過去陪淑美in母仔困。」

6. 閣一擺鑿心的疼

咖啡廳內底，劉景松目睷內攞是呵佬，滿面春風的笑容顯出欣賞的色緻。

「文先生，我這擺特別代表宏揚科技來佻你參詳，若是你肯委屈一下來阮公司擔任工程師，薪水方面絕對會予你滿意，年尾的分紅會閣較婿氣……」

敏翔的手機仔，這時雄雄發出鑿耳的聲音。

伊趕緊提手機仔：「你好。」

電話彼頭，傳來阿泉嫂的聲音：「敏翔，出代誌矣，你趕緊轉來……」

敏翔：「阿泉嫂，你講較清楚咧，到底發生啥物代誌，敢講淑美閣走無去矣？」

阿泉嫂：「這擺毋是淑美，是世安，伊……伊……」

敏翔雄雄起著驚，催咧問：「世安是按怎？你緊講啊！」

阿泉嫂：「我嘛毋知！我衫紮好就去你兜看淑美，看著淑美抱世安咧飼奶，毋過世安伊攏無軟入去，領垂全全是吐出來的牛奶，我擲進前去看，發現世安……世安伊……伊已經無咧喘氣……」

敏翔頭殼內lòng-lòng叫，惹惹愣去，心臟開始收縮，有tsat氣的感覺，手機仔落落塗跂，噉一聲，伊規身軀必必掣，共電話拏起來：「阿泉嫂，請你幫我共淑美看予好，我隨趕轉去。」

敏翔的面色攏暗落來，兇兇狂狂越頭：「真感謝劉經理看會起我，咱另工才閣談，我有代誌愛先走。」伊話一講煞，嘛無顧禮節，隨趕狂離開。

敏翔惹柴柴行出派出所，按怎駛車轉來厝嘛無清楚，孤一人坐佇客廳，無開電火，黃昏的日頭光迴過窗仔門射入厝內。伊懶懶the佇膨椅，光線掖佇伊的身軀頂，一部份映出金黃的色緻，一部份煞藏佇暗影內底，成做鮮明的對比。

「心肝窟的傷痕雖然無形，疼煞遐爾真，我到底造啥物孽，天公伯仔欲按呢處罰我，短短半冬，予我拍損兩個後生，閣予淑美致得鬱卒神經症……」

敏翔佇烏暗中siam著淑美若遊魂仝款行落樓梯，一港無名火衝到頭額，隨倚起來拍開電火，情緒失控對淑美大聲嚷：「毋是叫你先去睏，按怎閣落來樓跂？」

淑美驚一下面色隨變甲青恂恂，拍一个交懍恂，兩粒目睷仁展甲大大蕊，規身軀必必掣，用膽膽的聲音講：「我……揣無世安，伊……咧？遮爾暗矣，愛共伊飼奶。」

敏翔無地啟的情緒，親像揣著出口，若崩岸仝款繼續嚷：「猶閣咧講這，你以後攏毋免共世安飼奶矣，伊已經去天頂俗世昌做伴矣，聽有無？伊去天頂俗世昌做伴矣……」

淑美驚甲目睷展大蕊，大聲嚷轉去：「你騙人……騙人……騙……」聲音沓沓仔細聲，身軀軟軟死死昏昏去。

伊看著牽手昏倒落地，才驚醒過來，共牽手攬咧哭：「淑美……」

7. 貓霧光初顯

北風嘛嘛吼，共窗仔門搨甲乒乓叫，敏翔手扶淑美，共伊安搭佇透入軟軟日頭的窗仔跂。

伊幫牽手共被蓋予好，對伊講：「天氣遮爾寒，共你寒甲跂手冷吱吱，你乖乖倒踎遮

曝日頭。」

淑美：「……」

敏翔共牽手安搭好勢，轉來電腦桌，繼續無閒咧啣齒盤，忽然間鼻著後壁面傳來臭味。

伊揀開齒盤，吐一口氣：「唉！」行過去扶淑美到浴間仔，幫伊共身軀洗予清氣了後，替伊量血壓、心跳，提出紀錄表，填好屎尿的次數、色水、心跳、血壓等紀錄。

這時陣外口阿泉嫂咧搵門，嚨喉空拍開大聲喝：「敏翔，有人搵你。」

敏翔：「阿泉嫂，門無鎖，麻煩你先替我àn-nāi人客，我咧幫淑美量血壓，隨落去，先請人客小等一下。」

伊趕緊共淑美的身軀拭予焦，扶入去睏房，輕聲交代：「淑美，天氣冷你莫烏白走，我落去看啥物人來。」

淑美：「……」

敏翔咧關門的時陣，袂放心越頭看一下淑美，伊猶原攏無反應，一人沉醉佇家己的世界，喙角翹翹現出笑容。

伊頭搖搖咧，想欲hiù掉落坑的情緒。

看著劉景松坐正正佇膨椅，阿泉嫂當跔咧祛世賢散掖掖的tshit-thô物，沿仔解說：「劉先生，敏翔in兜出一寡代誌，醫生建議淑美上好有人通照顧，陪伊講話……」

劉景松真客氣仔應：「文先生的狀況，我加減知影一寡。」

敏翔行倚近膨椅，佻劉景松握手，客氣仔講：「劉經理，哪會有閒來阮兜咧？」

劉景松：「文先生，你的狀況我真了解，公司開會討論了後，猶原想欲聘請文先生出任工程師。公司有考慮著你的問題，會撥一間你個人的工作室予你，你會使tshuā恁某做伙來上班，按呢嘛方便你就近照顧伊。」

敏翔誠感動：「劉經理，這敢是誠實的？」

劉景松頷一下頭：「咱的交情莫講遐hàm話，談的攏是實際的，假使你無反對，請你安排一下，趕緊來上班敢好？」

敏翔的鼻目喙搵轉來失蹤足久的笑容，相連繼頷頭：「好！好！好！按呢我後禮拜就去上班。」

劉景松：「好，歡迎你加入阮的團隊，按呢我先告辭囉。」

敏翔：「好，真感謝你，多謝你予我這個機會。」

8. 辭職

弘揚科技辦公大樓，敏翔注神佇電腦螢幕，重複演練新研發的程式。

秘書室陳小姐的聲音蓋生狂，對放送頭傳出來。

「文工程師，請你趕緊來茶間仔處理恁太太。」

敏翔聽著，隨趕來茶間仔，伸手攬愣去的淑美。

李小姐用gê-siâu的目睷咧睷淑美，雙手沿仔拭裙裾的水跡。

敏翔ànn頭兼ànn腰：「李小姐，真歹勢！淑美袂啥會曉講話，我代替伊向你會失禮。」

李小姐惡khiát-khiát睷一下淑美，「哼！」

敏翔閣一擺ànn腰：「李小姐，我代表阮某向你會失禮，真歹勢！」

李小姐鼻仔掩咧，故意閃開淑美倚的所在，驕tè-tè對外口行去，喙裡hnggh一聲：「閃開！」

目睷仔，淑美閣搥倒飲水機邊仔的糞掃桶，茶間仔的塗跣隨滾一沿垃圾水，淑美綴咧跋倒，李小姐拄好經過，予摔佇塗跣的淑美拐著，嘛跋一个倒摔向。

乒乒乓乓的聲音，引起辦公室一陣滾絞，袂少人圍倚來，有人咧問：「是按怎咧？」

李小姐規身軀蓋狼狽，氣phut-phut peh起來：「Ah毋是彼箍痛的變的空頭！」

規陣人有聲音按呢應：「唉！你就家己認衰，莫俗痛的計較！」

李小姐gīn神的面歪歪斜斜，聲嗽牽懸懸：「常在惹代誌就準煞，身軀頂彼款臭味，才予人想欲吐。」

有人應：「你緊去洗洗咧！若無，你身軀頂嘛會有臭味。」

這時陣，響起一陣suan笑聲，繼落一个一个棄嫌的目神隨人離開。

敏翔共淑美扶起來，面色暗青咧解說：「各位同事，我想恁攞誤會矣，我的牽手只是不幸致著鬱卒神經症，致使腦細胞沓沓仔勾去，雖然伊定定出狀況，毋過伊無起痾，我毋知這一冬，恁共淑美當作痾的看待，這攞是我的疏忽予伊造成逐家的不便，我會自動請辭。」

伊話講煞，隨tshuā牽手頭攞無越開門行去。

9. 壓力

西元2004年 夏

日子佇淑美闌時無闌日的出入病院恬恬流過，一目矚八冬過去矣。送走一陣一陣冬風，換來春暖花紅，夏荷飄香，真緊大學聯考放榜囉！

「文世賢掛號批。」

「喔，來矣！」

世賢這幾年已經成做體格武thún武thún的少年囡仔，這佢伊綿爛運動有關，這時tng暢甲提成績單坐佇電腦頭前查資料。

世賢歡喜甲大聲咻：「阿爸，我頭拄仔查過矣，我的分數，會當讀第一志願neh！」

「噓，較細聲的，恁阿母拄睏去。」

敏翔接過成績單看甲足斟酌，愈看心花愈開：「世賢，你有夠gâu的！」

「嗯，阿爸，如我所願，資訊系。」

敏翔閣一擺詳細看手內的成績單，歡頭喜面一直頓頭，有一點仔感慨：「雄雄發現，囡仔大漢囉，就欲展翼飛去外地讀冊。」

世賢：「阿爸，假使我去外地讀冊，你一個人照顧阿母，敢有法度？」

敏翔手搭佇後生的肩胛頭，輕鬆仔應：「我有接受阿泉伯的建議，伊苦勸我攞遮濟年矣，恁阿母猶原無較好，建議我去揣一間療養院。做你放心去讀冊，我共恁阿母安搭好勢了後，嘛想欲出去做工課。」

伊共世賢的入學通知單園落，看一下仔手摺簿仔，做一伙收入去雇仔內底。Peh起身行

來到窗仔邊，愣愣看窗仔外的白雲隨風寬寬仔徙動，遠遠一隻白頭鵝仔飛過青翠的稻田，慢慢仔成做一粒烏點，佢山尾溜同齊沉落去天頂尾，毋過這時陣敏翔心肝底的烏點，煞親像水波痕一輓一輓淡開閣淡開。

10. 安慰

一陣生狂的早春雨，佢幾陣齷齪的毛毛仔雨過了後，學校開始放春假，世賢特別趕佇清明進前轉來，陪老爸去培墓祭祖。

敏翔駛車載後生去學校轉來厝了後，siān-siān坐佇空空的客廳，四籬圍仔恬甲聽會著家己的心跳，原本冷清清的厝，感覺閣較冷清清。

伊對冰櫥揣出四五款果子絞作果汁，倒入去滾水罐，揸仔揸咧，peh上鐵馬向山頂的方向騎去。

療養院的花園，淑美坐佇長條椅仔，敏翔沿仔替淑美梳頭髮，沿仔共伊講：「淑美，昨昏我送世賢去學校，這學期伊換一間較大間的宿舍，環境看起來袂穰，這個囡仔誠實大漢矣，伊共家己照顧甲真好，可能興運動的款，這幾個月大了閣愈粗勇！」

淑美伸手共頭髮舞甲挈髦髦，伊真無奈提捋仔重新替牽手梳頭髮。伊對揸仔提出來絞好的果汁。柔柔仔講：「淑美，來，用軟管軟咧啲，較細膩的，才袂tsak著。」

一个婦jîn人拄仔好經過長條椅仔，停跔看in一觸久仔。

婦jîn人：「你對老母真有孝，足有耐性陪伊啲果汁，閣會共伊梳頭髮。」

敏翔頓頭拍招呼：「你hut毋著去，淑美是我的牽手，毋是老母。」

婦jîn人：「喔！歹勢，歹勢！」

敏翔看婦jîn人行遠去，越頭對淑美講：「你莫插人按怎講你，等你身體較好的，我tshuā你去鬥假喙齒，按呢看起來就較少年，別人就袂誤會……」

伊牽淑美轉去房間，幫伊洗身軀，替伊換尿苴仔，觀察一睷仔，提紀錄表填數字。

敏翔：「淑美我共你講喔，明仔載我欲綴大甲媽去新港進香，愛十工才會當來遮陪你，你敢知？我是去替你祈福的喔！聽阿泉嫂咧講，大甲媽足靈siànn，我這擺去替你祈

福，對你的病情一定有足大的幫助，你講著無？」

11. 眠夢

入夜新港奉天宮的廟埕，摔入一大批人閣揸出去，吵鬧的炮仔聲放規暝，親像一座不夜城。

敏翔綴進香團睏佇奉天宮的香客大樓。伊這幾工的疲勞攏紀錄佇愈來愈冗的腰帶頂面。佇眠眠的眠夢中，一下仔出現淑美瘦瘦閣霧霧的目睷，一下仔閣疊一沿以早拄熟似伊gâu見笑紅紅的喙顫。

進香團的回程，毛毛仔雨落甲真密，敏翔淋雨踏鐵馬，騎的速度，明顯有慢落來，頭殼tiuh-tiuh叫！

伊驚一趔：「害矣！感冒的款！」

綴進香團回程的上尾兩工，敏翔感覺身軀一下冷一下燒，行行停停，鐵馬騎著比往過較慢，真無簡單總算擋到大甲，伊一看著大甲溪橋，隨跳落車，雙跂跪落來，暗暗仔祈禱：「媽祖婆在上，信士文敏翔，因為幾若日睏眠不足，致使頭重跂輕，前兩工閣感著風，身體實在接載袂牢，在此跪送聖駕，信士家己先轉去歇睏。」

12. 短短30秒

透早的日頭射出微微仔光，忽然間閣化去，窗仔唇真緊就吊幾仔掙小雨滴。

敏翔看向窗仔外小雨綿綿的天頂尾，對淑美割袂斷的掛心，倒佇眠床頂袂振袂動的伊，心肝愈感覺亂操操，勉強家己落床，淋一杯白滾水，煞擋袂過透暝透日的疲勞，目睷皮一瞟落隨進入夢鄉。

伊笑笑仔精神，靜靜倒佇眠床頂回想拄才的夢。夢中看著淑美性命的火燒甲真旺，he熟似透濫濁濁暗暗的目睷，竟然變甲像記持遐爾仔清遐爾仔明。

Píng一下身看向淑美的空位，心肝頭注注想：「大甲媽靈siànn的神蹟傳說滿滿是，無的確會當等著淑美認會出我的彼工！」伊一想著遮，閣加上頭拄仔出現佇夢中的淑美，活跳跳是以早溫柔的模樣，遐爾仔真遐爾仔實，一款phut-phut越的情緒，戰贏懶siān的身軀，píng身起床，鐵馬踏咧，往山頂的方向趕狂騎去。

Tah-tah-tih-tih的春雨俗烏陰天，綴日頭起床沓沓仔散去，天氣變甲雲清風涼。往療養院的路，雖然攏peh崎，毋過一想著早起夢中的淑美，伊雙跤閣較出力咧踏，沿路伊一肢手扞手扞，另外一肢手抑腹肚，拚勢向前衝。

路裡發現，歇暈規个寒人的枯樹枝桠，寬寬仔轉青，puh出予人注意袂著的性命新生命力。

敏翔心肝頭遮濟年來毋捌放棄的寄望，配今仔日歡喜的心情行入房間，來到牽手的身軀邊，輕輕仔叫：「淑美！」

當伊看著淑美停落來習慣性lut指頭仔的動作，越頭看伊，閣伸出彼肢冰冷的手來牽伊的手。伊目矚展甲大大蕊，隨閣瞋落，接接咧閣褙開，竟然發現淑美冰冷的手小可振動一下。

敏翔的心親像一隻予拍獵的咧逐的鹿仔困全款四界亂亂從，從到今第一擺感覺心強欲對胸坎跳出來。深深軟一下仔大氣，閣軟一下仔大氣，真無簡單才安搭phut-phut跳的靈魂，目墘有水光閃閃爍爍，歡喜甲共淑美攬牢牢。

伊感動甲大聲喝：「媽祖婆顯靈矣，媽祖婆顯靈矣。淑美，十冬，我等十冬矣，我苦苦等待這個時陣，足足有十冬矣。喔！淑美，你敢知？這十冬我等甲足艱苦。你……總算精神矣，總算精神矣。嗯，這絕對是大甲媽顯靈，著，著，一定是，一定是媽祖婆聽著我暝日的祈求，感謝媽祖婆顯靈保庇……」

伊目屎鼻水流甲規面，等掠狂的情緒勻勻仔平和，伊共淑美的下頰撐起來的時陣，心肝頭雄雄掣一越，頭拄仔看著的彼葩希望之光，這馬煞閣沉落無邊無岸的烏暗，閣一擺磕著彼雙空空無神的目矚。

伊感覺家己的心就親像是予挖甲空空空，熱phùt-phùt的希望，雄雄堅凍去。

伊毋相信，目矚閣瞋落，閣褙開……，猶原是一雙熟似柴柴的目矚……

敏翔雙手掠牽手的肩胛頭一直搖，心內大聲嚷喝：「淑美，你只是短短注目看我三十秒，隨閣霧去，你又閣轉去家己的世界，拄才牽我的手，傳予我希望，怎樣忍心閣轉去你恬靜的世界？」

暗頭仔，綿綿小雨沿窗仔門掖落，是應該轉去厝的時陣，療養院暗甃的走廊，只不過十外米長，煞予敏翔感覺永遠行袂到盡磅，強欲拍無去的心親像佇胸仔內定去，雙跤重甲若古鼎，一步一步艱苦行。

一滴軟泚的目屎，恬恬滴落鬢邊。當伊越頭看走廊昏黃的燈光，突然間予一款熟似的驚惶掠牢咧。

回程明明是落崎，伊感覺雙跂痠軟無力，鐵馬踏袂振動，身軀幾若擺坦敲引，強強欲倒摔向，心肝窟絞起一陣一陣酸酸的捲螺仔水。

誠實毋願相信，淑美的性命若秋天的落葉仝款，一工一工沓沓仔焦去。淋一身軀雨的悲傷轉來到厝，沉重的跂步拖咧tshê咧。撥開門鎖，無開燈，覘神覘神拖到窗仔邊，伊倚佇烏暗中，毋管寒風鑽骨，恬恬點一支薰，一喙接一喙。

三、四月的春雨，那落那歇，沿窗仔唇滑落來，無情沃澹濟年的堅持，希望的火星當咧拍化。

雨繼續咧落，窗仔口的影一直吐出薰籬，烏khâm-khâm的天慢慢仔換一軀昏暗，路裡的車一台接一台駛過，庄頭佇嚷喝吵鬧中精神，雨聲煞鼓的時陣，窗仔口的影無閣再倚騰騰，懶懶勾落去窗仔跂，虛虛的喘氣聲中，伊看著淑美穿白紗的新娘衫、細細蕊的目矑、紅牙仔紅牙的喙顫，深深的酒窟仔，嬌滴滴歹勢歹勢：「敏翔，我相信你會照顧我一世人……」

13.尾聲

西元2013年 冬

洪淑美佇療養院的睏眠中過身。

敏翔辦了淑美的喪事，伊的目矑攏是血絲，轉到厝隨倒落睏。一暝一日過去，精神了後，伊共家己講：「人活咧，有啥物坎是過袂去的，按怎講攏比死較好，死去，一切註定好勢，袂閣有píng盤的機會。」

伊行過疼甲毋知通疼的經歷，苦過、哭過，會當掌過來，行到今仔日，攏是家己決定欲行佗一條路，成做啥物款的人，有堅持才有價值的人生。